

Broj: 01-11/5-1180-10/2020
Sarajevo, 05.10.2020. godine

Na osnovu člana 64. stav (1) i člana 70. st. (1), (3) i (6) Zakona o javnim nabavkama BiH („Službeni glasnik BiH”, broj 39/14), federalni ministar poljoprivrede, vodoprivrede i šumarstva, d o n o s i

O D L U K U
o izboru najpovoljnijeg ponuđača za nabavku roba nafte i destilata za potrebe
Federalnog ministarstva poljoprivrede, vodoprivrede i šumarstva

I

Prihvata se preporuka Komisije za javne nabavke i nakon provedenog konkurentskog postupka ugovor za nabavku roba nafte i destilata za potrebe Federalnog ministarstva poljoprivrede, vodoprivrede i šumarstva dodjeljuje se ponuđaču „HIFA PETROL“ d.o.o. Sarajevo za ponudu broj: JN-3189/20 od 04.09.2020. godine u iznosu od 32.501,80 KM bez PDV-a.

II

Prijedlog ugovora o nabavci roba nafte i destilata za potrebe Federalnog ministarstva poljoprivrede, vodoprivrede i šumarstva dostavit će se izabranom ponuđaču iz tačke I ove odluke u roku od 15 dana od dana okončanja postupka javne nabavke. Izabrani Ponuđač je obavezan dostaviti novi Obrazac za cijenu ponude, a koji odražava smanjenje cijena iz e-aukcije, u roku od pet dana od dana prijema ove Odluke.

III

Ova Odluka bit će objavljena na službenoj internet stranici Federalnog ministarstva poljoprivrede, vodoprivrede i šumarstva (www.fmpvs.ba) istovremeno s njenim upućivanjem ponuđačima koji su učestvovali u postupku javne nabavke.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

O b r a z l o ž e n j e

Federalno ministarstvo poljoprivrede, vodoprivrede i šumarstva donijelo je Odluku o pokretanju konkurentskog postupka javne nabavke broj: 01-11/5-1180/2020 od 18.08.2020. godine za nabavku roba nafte i destilata za potrebe Federalnog ministarstva poljoprivrede, vodoprivrede i šumarstva.

Obavještenje o nabavci objavljeno je na Portalu javnih nabavki pod brojem: 855-7-1-11-3-14/20.

Do krajnjeg roka utvrđenog u zahtjevu za dostavu ponuda pristigle su slijedeće ponude ponuđača, i to:

1. „ENERGOPETROL“ D.D. SARAJEVO, u iznosu od 32.600,00 KM bez PDV-a,
2. „HIFA PETROL“ D.O.O. SARAJEVO, u iznosu od 32.640,00 KM bez PDV-a.

Sve ponude su blagovremeno pristigle.

Komisija za javne nabavke, imenovana Rješenjem, broj: 10-14/5-418/2020 od 04.02.2020. godine, izvršila je pregled, ocjenu ponuda i nakon provedene „e-aukcije“ rangiranje ponuda prema kriteriju najniže cijene

ponude, te konstatovala da dostavljene ponude zadovoljavaju uslove iz tenderske dokumentacije za nabavku roba nafte i destilata za potrebe Federalnog ministarstva poljoprivrede, vodoprivrede i šumarstva.

Rang lista nakon završene „e-aukcije“ uz primjenu kriterija najniže cijene ponude je slijedeća:

RB	PONUĐAČ	Cijena u KM (bez PDV-a)
1.	HIFA PETROL D.O.O. SARAJEVO	32.501,80
2.	ENERGOPETROL D.D. SARAJEVO	32.534,40

Nakon stručnog razmatranja, ocjene i rangiranja dostavljenih ponuda, Komisija za javne nabavke je prema utvrđenoj rang listi, a u skladu sa kriterijem najniže cijene ponude, utvrdila da je najpovoljniji ponuđač za nabavku roba nafte i destilata za potrebe Federalnog ministarstva poljoprivrede, vodoprivrede i šumarstva ponuđač „HIFA PETROL“ D.O.O. Sarajevo. Komisija je utvrdila da su iznosi cijena dostavljenih ponuda veće od iznosa procjenjene vrijednosti predmetne javne nabavke, ali da iznosi ponuda nisu znatno veće od iste te Ministarstvo ima osigurana sredstva za ovu javnu nabavku, a sve u skladu sa Zakonom o javnim nabavkama. U postupku donošenja ove odluke, posebno su cijenjene činjenice da je Komisija za javne nabavke, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije.

Izabrani ponuđač odabran je primjenjujući kriterij najniža cijena ponude.

U skladu sa navedenim, na osnovu člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem Federalnog ministarstva poljoprivrede, vodoprivrede i šumarstva, u roku od 5 (pet) dana od dana prijema ove Odluke i to u pisanoj formi i u dovoljnom broju primjeraka, a koji ne može biti manji od tri.



Dostaviti:

1. Svim ponuđačima u postupku
2. Sektor za finansije i računovodstvo
3. Komisija za javne nabavke
4. Spis predmeta